



Broj: T09 0 KTO 0167371 23
Sarajevo, 25.01.2024. godine

OPĆINSKI SUD U SARAJEVU
Sudiji za prethodno saslušanje
SARAJEVO

Na osnovu člana 45. stav 2. tačke i) i člana 241. stav 1. Zakona o krivičnom postupku Federacije Bosne i Hercegovine (u daljem tekstu: ZKP FBiH)¹, **podizem:**

O P T U Ž N I C U

Protiv:

1. **ALDEN HOT, zvani Django**, rođen dana 1984. godine, sa prijavljenim mjestom prebivališta u, po zanimanju trener, završena Osnovna škola, zaposlen, oženjen, otac dvoje mlđb djece, Bošnjak, državljanin BiH, JMB:, **neosuđivan**
2. **VESNA GAŠPAR, zvana Veki**, rođena 1992. godine, sa prijavljenim mjestom prebivališta u, završena SSS, po zanimanju Fitnes trener, nezaposlena, državljanka BiH i R Hrvatske, JMB:, **neosuđivana**
3. **ABDULLAH VELAGIĆ, zvani Abu**, rođen 1995. godine, nastanjen u ulici, SSS, pismen, oženjen, otac dvoje mlđb. djece, nije služio vojni rok, Bošnjak, državljanin BiH, JMB:, **neosuđivan**

Što su zajedno:

1. U vremenskom periodu od mjeseca januara 2021. godine pa sve do 11.04.2021. godine, na području Kantona Sarajevo, Alden Hot svjesno udružio više osoba u smislu člana 2. stav 17. Krivičnog zakona Federacije BiH (u daljem tekstu: KZ FBiH), sa ciljem počinjenja krivičnog djela Neovlašteno prisluškivanje i zvučno snimanje iz člana 188. stav 1. KZ FBiH, a što je i htio, a kojem udruženju su kao članovi svjesni pripadnosti i zajedničkog kriminalnog cilja, a što su i htjeli, pristupili Abdullah Velagić i Vesna Gašpar, te po njegovim uputama vršili pripremne radnje za izvršenje krivičnog djela tako što je Abdullah Velagić koristeći OLX profil pod nazivom „.....“ dana 30. i 31.01.2020. godine pronašao posebnu napravu kod OLX prodavca korisničkog profila „.....“, a koji koristi lice J.L. iz i kojom prilikom je Abdullah Velagić koristeći naprijed navedeno korisničko ime postavio upit da li ima na stanju odmah GPS trakere - lokatore i da li se isti mogu koristiti kao prisluškivači, te koju napravu su Alden Hot i Vesna Gašpar kupili od J.L. početkom februara u Konjicu kao posebnu napravu neophodnu za izvršenje krivičnog djela i to: uređaj za praćenje i zvučno snimanje u stvarnom

¹ "Službene novine Federacije BiH", br. 35/2003, 56/2003 - ispravka, 78/2004, 28/2005, 55/2006, 27/2007, 53/2007, 9/2009, 12/2010, 8/2013, 59/2014 i 74/2020

vremenu proizvođača SINOTRACK model i SIM karticu pretplatničkog broja +....., te na njima poznat način nabavili i poseban mobilni telefonski uređaj nepoznate marke u kojem se nalazila SIM kartica telefonskog broja +....., na kojem su instalirali posebnu aplikaciju putem koje su pristupali navedenoj posebnoj napravi radi očitavanja lokacije i zvuka, kao i pancir, prigušivač te vatreno oružje, a zatim Alden Hot samostalno ili skupa sa Abdullahom Velagićem najprije vršio obilazak i osmatranje porodične kuće u ulici, općina Novi Grad, Sarajevo, vlasništvo N.Dž., u tom vremenskom periodu ministra u Vladi Federacije Bosne i Hercegovine, i putničkog motornog vozila registarskih oznaka, vlasništvo Vlade Federacije Bosne i Hercegovine koje je N.Dž. koristio, da bi od početka februara 2021. godine, pa sve do 11.04.2021. godine, svjesni da bez odobrenja putem posebnih naprava prisluškuju razgovore ili izjavu koja im nije namjenjena, a što su i htjeli, na način da je Alden Hot, u noćnim satima početkom februara 2021. godine zajedno sa Abdullahom Velagićem pješke došao do porodične kuće u ulici, općina Novi Grad Sarajevo, vlasništvo N.Dž., a potom se popeli preko ograde dvorišta i u isto ušli da bi na putničko motorno vozilo koje koristi N.Dž. marke Passat registarskih oznaka, ispod vozila, na zadnjem dijelu gdje se nalaze zadnja sjedišta, na metalni dio poda motornog vozila i plastične zaštite koja štiti donji dio vozila postavili posebnu napravu za praćenje i zvučno snimanje u stvarnom vremenu proizvođača SINOTRACK model sa SIM karticom pretplatničkog broja +....., a koju posebnu napravu su u više navrata, usljed dotrajalosti baterije na isti način skidali i ponovno postavljali ispod putničkog motorno vozilo marke Passat registarskih oznaka, koje koristi N.Dž., te kojoj posebnoj napravi su Alden Hot i Vesna Gašpar daljinski pristupali putem posebne aplikacije instalirane na mobilnom telefonskom uređaju u kojem se nalazila SIM kartica telefonskog broja +..... pristupajući zvuku putem posebne naprave te očitavajući u stvarnom vremenu lokaciju na taj način prisluškujući N.Dž., a u odnosu na rukovanje kojom posebnom napravom je Vesna Gašpar Aldenu Hotu davala uputstva radi postavljanja i zamjene posebne naprave i njenog korištenja putem posebne mobilne aplikacije, pa su tako zajednički djelovali u navedenom vremenskom periodu na naprijed navedeni način, sve do dana 11.04.2021. godine, kada su prilikom zamjene i ponovnog postavljanja posebne naprave Alden Hot i Abdullah Velagić primijećeni od strane N.Dž. na snimku video nadzora, da bi po objavi na portalu lista Dnevni Avaz da je takva naprava pronađena ispod vozila N.Dž., na njima poznat način i mjestu odbacili mobilni telefonski uređaj sa SIM karticom korišten za daljinsko pristupanje posebnoj napravi.

Aldena Hota što je

2. Dana 08.06.2022. godine prilikom radnje pretresa prostorija, osoba i stvari na osnovu Naredbe za pretresanje stana i pomoćnih objekata Općinskog suda u Sarajevu broj: od 27.05.2022. godine, od strane ovlaštenih službenih lica Federalnog ministarstva unutrašnjih poslova, Federalna uprava policije Sarajevo protivno članu 6. stav 1) pod a) i članu 7. stav 2. u vezi sa stavom 1. tačka a) istog člana ZONDINOIM-a KS, iako je znao da je građanima zabranjeno nabavljanje i držanje vatrenog oružja koje je izrađeno ili prerađeno bez odobrenja za promet oružja, a što je i htio, u ulici, općina Novi Grad Sarajevo, neovlašteno držao prethodno na njemu poznat način nabavljeno zabranjeno oružje – oružje kategorije A, i to vatreno oružje – poluautomatski pištolj italijanske proizvodnje, marke „PIETRO BERETTA GARDONE V.T.“, model, kalibar 7,65mm, tvorničkog serijskog broja, na čijoj cijevi je na ustima narezan navoj M12 za uvrtnje prigušivača zvuka, kao i 2 okvira za streljivo kalibra 7,65mm x 17mm za pištolje marke „PIETRO BERETTA GARDONE V.T.“, model, kalibar 7,65mm i 40 metaka pištoljskog bojevog streljiva kalibra 7,65 x17mm i prigušivač zvuka za vatreno oružje koji se može koristiti za ispaljivanje metaka navrnut na usta cijevi pištolja marke „PIETRO BERETTA GARDONE V.T.“, model, kalibar 7,65mm,

3. Dana 08.06.2022. godine, oko 06,30 sati, u Sarajevu, u ulici, općina Novi Grad Sarajevo, svjestan zabranjenosti radnje, a što je i htio, protivno odredbi člana 4. stav 1. Zakona o sprečavanju i suzbijanju zloupotrebe opojnih droga („Službeni glasnik BiH“, broj: 8/06,103/08 i 51/11), kod sebe neovlašteno posjedovao opojnu drogu neto mase 0,055 grama, (ostatak ispitivanog materijala neto mase 0,039 grama), kojom su bili prekriveni metalni poslužavnik sa likovima iz crtanih filmova dimenzija cca 14x18x2cm u kojem su se nalazile dvije plave PVC cijevčice dimenzija cca. 9x0,4, te dvije plastificirane crno – bijele kutijice sa natpisom „.....“ dimenzija cca. 5,5x8,5cm, kao i 1,026 grama (ostatak materijala neto mase 1,010 grama) opojne droge u providnoj PVC zip vrećici upakirana u prozirnu PVC vrećicu, te 0,790 grama (ostatak materijala neto mase 0,774 grama) opojne droge u prozirnoj PVC vrećici sa bijelom keramičkom šoljom u jednom bijelom otvorenom PVC paketiću, a koja materija sadrži psihotropnu komponentu amfetamin, a amfetamin se nalazi na Popisu opojnih droga, psihotropnih tvari, biljaka iz kojih se može dobiti opojna droga i prekursori Zakona o sprečavanju i suzbijanju zloupotrebe opojnih droga („Službeni glasnik BiH“, broj 8/06, 103/08 i 51/11).

Dakle, Alden Hot udružio više osoba u smislu člana 2 stav 17 KZ FBiH radi počinjenja krivičnog djela da bi putem posebnih naprava, bez odobrenja prisluškivali razgovor ili izjavu koja im nije namijenjena, te pod tačkom 2. neovlašteno držao vatreno oružje čija nabavka građanima uopšte nije dozvoljena i pod tačkom 3. neovlašteno posjedovao opojnu drogu, **Vesna Gašpar i Abdullah Velagić** postali članom udruženja u smislu člana 2 stav 17 KZ FBiH radi počinjenja krivičnog djela da bi putem posebnih naprava, bez odobrenja prisluškivali razgovor ili izjavu koja im nije namijenjena

Čime bi Alden Hot u radnjama opisanim pod tačkom 1 počinio krivično djelo Udruživanje radi činjenja krivičnih djela iz člana 340. stav 1 KZ FBiH u vezi sa krivičnim djelom Neovlašćeno prisluškivanje i zvučno snimanje iz člana 188. stav 1 KZ FBiH i Vesna Gašpar i Abdullah Velagić krivično djelo Udruživanje radi činjenja krivičnih djela iz člana 340. stav 2 u vezi sa stavom 1. KZ FBiH u vezi sa krivičnim djelom Neovlašćeno prisluškivanje i zvučno snimanje iz člana 188. stav 1 KZ FBiH, u vezi sa članom 55. istog Zakona, a pod tačkom pod tačkom 2 Alden Hot Nedoizvoljeno držanje oružja ili eksplozivnih materija iz člana 371. stav 1 KZ FBiH te pod tačkom 3 Alden Hot krivično djelo Posjedovanje i omogućavanje uživanja opojnih droga iz člana 239. stav 3. KZ FBiH, sve u vezi članom 54 istog Zakona,

KANTONALNI TUŽILAC